

Útkomið í A-deild Stjórnartíðindanna 1945.

Forsetabréf um starfsháttu orðunefndar, undirskrifað af forsetanum 31. desember 1945, nr. 114.

Forsetabréf um breyting á forsetabréfi frá 11. júlí 1944, um hina íslenzku fálkaorðu, undirskrifað af forsetanum sama dag, nr. 115.

Lög um heimild fyrir ríkisstjórnina til að innheimta skemmtanaskatt með viðauka árið 1946, undirskrifuð af forsetanum sama dag, nr. 116.

Lög um breyting á lögum nr. 62 27. nóv. 1944, um nýbyggingarráð, undirskrifuð af forsetanum sama dag, nr. 117.

Lög um breyting á lögum nr. 98 9. júlí 1941, um heimild fyrir ríkisstjórnina til ráðstafana og tekjuöflunar vegna dýrtiðar og erfiðleika atvinnuveganna, undirskrifuð af forsetanum sama dag, nr. 118.

Lög um samkomudag reglulegs Alþingis 1946, undirskrifuð af forsetanum sama dag, nr. 119.

Auglýsing um viðskiptasamning milli Íslands og Finnlands, undirskrifuð af forsætisráðherra 22. desember 1945, nr. 120.

Bréf félagsmálaráðuneytisins til sýslumannsins í Eyjafjarðarsýslu, um skiptingu Svarfaðardalshrepps í tvö sveitarfélög. 203 19. des.

Samkvæmt beiðni hreppsnefndar Svarfaðardalshrepps og samkvæmt meðmælum sýslunefndar Eyjafjarðarsýslu um skiptingu Svarfaðardalshrepps í tvö hreppsfélög, vill ráðuneytið hér með samkvæmt sveitarstjórnarlögum, nr. 12 31. maí 1927, skipa svo fyrir sem hér segir:

1. Svarfaðardalshreppi í Eyjafjarðarsýslu skal skipt í tvö sveitarfélög, er nefnast Svarfaðardalshreppur og Dalvíkurhreppur. Dalvíkurhreppur nær yfir Dalvíkurkaupþún, og eru hreppamörk hans þessi: Að norðan landamerki Svarfaðardalshrepps og Ólafsfjarðar, eins og þau eru nú. Að innan landamerki Syðra-Holts og Ytra-Holts. Svarfaðardalsá ræður hreppamörkum að öðru leyti en því, að jarðirnar Háls og Hrisar teljast til Dalvíkurhrepps.
2. Eignum og skuldum Svarfaðardalshrepps, er til skipta geta komið, skal skipt milli hreppanna þannig, að $\frac{1}{3}$ hluti falli til Svarfaðardalshrepps, en $\frac{2}{3}$ hlutar til Dalvíkurhrepps. Ábyrgðir og aðrar skuldbindingar, sem á þeim hvíla áfram sameiginlega, bera þeir eftir sama hlutfalli.
3. Framfærsla núverandi styrkþega sé sameiginleg og einnig þeirra, er síðar kunna að verða úrskurðaðir á hinn forna Svarfaðardalshrepp. Hreppsnefnd hvors hrepps annist um ráðstöfun og greiðslu vegna sameiginlegra styrkþega, sem heima eiga innan hvors hrepps fyrir sig. Af heildarkostnaði við sameiginlega styrkþega greiði hvor hreppur eftir sama hlutfalli og við skiptingu eigna og skulda.
4. Elli- og örorkustyrkþegar tilheyri hinum nýju hreppum, þar sem þeir eiga lögheimili, þegar skiptin fara fram, og verða því ekki sameiginlegir styrkþegar beggja hreppanna.
5. Um skiptingu eigna fer sem hér segir:
 - a. Skólahúsið í Dalvík verður eign Dalvíkurhrepps, en þinghúsið á Grund verður eign Svarfaðardalshrepps. Húsin skal bæði meta til fjár og skipta andvirðinu síðan milli sveitarfélaganna eftir hlutföllum þeim, er skiptin

203
19. des.

- fara fram eftir, en það er $\frac{1}{3}$ í hlut Svarfaðardalshrepps og $\frac{2}{3}$ í hlut Dalvíkurhrepps, og greiðir sá hreppurinn hinum það, er til vantar, er honum ber samkvæmt matinu. Mat þetta framkvæmir nefnd sú, er síðar getur, ef hreppsnefndir hinna nýju hreppa koma sér ekki saman um matið.
- b. Hafnarmannvirkin á Dalvík, svo og hafnarsjóður Dalvíkur, skulu vera sameign hreppanna framvegis og rekstur hafnarinnar sameiginlegur. Þar til er öðruvísi kann að verða ákveðið, en eignarhlutfall Svarfaðardalshrepps í þeim er $\frac{1}{3}$ og eignarhlutfall Dalvíkurhrepps $\frac{2}{3}$ hlutar. Hinar nýju hreppsnefndir setja sameiginlega nýja hafnarreglugerð, þar sem nánar verður kveðið á um allan rekstur hafnarinnar í framtíðinni. Verði ágreiningur um málefni hafnarinnar milli hinna nýju hreppsnefnda, hefur sýslunefnd Eyjafjarðarsýslu úrskurðarvald þar um.
 - c. Aðrar fasteignir Svarfaðardalshrepps skulu metnar til fjár og þeim hreppnum, þar sem eignirnar eru, gefinn kostur á að leysa þær til sín á því mati eftir reglum þeim, sem um skiptin gilda, ella skulu þær seldar og andvirðinu skipt eftir skiptitölu hreppanna. Skiptingu lausafjár annast hreppsnefndirnar, og ber að skipta því eftir sömu reglum.
 - d. Komi hreppsnefndirnar sér ekki saman um mat á eignum hreppsins, er til skipta koma, skal sýslunefnd skipa 3 óvilhalla utansveitarmenn í nefnd til að framkvæma mat á þeim eignum, er samkomulag næst ekki um. Eru báðir aðilar skuldbundnir að hlíta því mati.
6. Ellistyrktarsjóði hreppsins skal skipt í hlutfalli við tölu gjaldenda í hvorum hreppshluta eins og hún var síðasta gjaldár til sjóðsins (1935).
 7. Bækur og skjöl, sem sveitarfélagið á nú, skal vera eign Svarfaðardalshrepps, en hreppsnefnd Dalvíkurhrepps skal eiga aðgang að þeim þegar hún þarfnast.
 8. Hreppsnefndarmenn skulu vera 5 í hvorum hreppi.
 9. Fjallskil skulu vera sameiginleg fyrst um sinn.
 10. Aðskilnað hreppanna skal miða við 1. janúar 1946 og skulu hreppsnefndir hinna nýju hreppa framkvæma skiptingu á eignum, skuldum, skuldbindingum og fátækraframfæri, en verði ágreiningur út af skiptunum, skal úr honum skoríð af sýslunefnd Eyjafjarðarsýslu.

Þetta tilkynnist yður hér með, herra sýslumaður, til frekari aðgerða og birtingar, að því viðbættu, að með framangreindri fyrirskipan er engin breyting gerð á hinum forna Svarfaðardalshreppi sem dómpinghá né manntalsþinghá.

204
20. sept.

REGLUGERÐ

fyrir Vestur-Húnavatnssýslu um grenjaleitir og refaveiðar.

1. gr.

Villirefir og refir, sem sloppið hafa úr vörzlu, eru óhelgir, og skal eyða þeim með hverjum þeim hætti, er helzt verður við komið.

2. gr.

Hreppsnefndum er skylt að sjá um, að eitrad sé fyrir refi á vetri hverjum, og skulu hinir hæfustu menn fengnir til að sjá um eitrunina. Þegar rjúpur eru eitradar, skal stífa hægri væng þeirra um miðju. Eitrad agn skal leggja á afskekkt staði, þar sem sízt er hætta á, að hundar ná til þess, og skal tilkynna þeim, er næst búa eitrunarstað, hvar eitrið hafi verið lagt. Næsta vor, eftir að eitrad hefur verið, skal hirða allar eiturléifar, svo og þau dýr, er drepizt hafa við eitrunina, og grafa vel í jörðu.